



JADUAL KHUTBAH JUMAAT SIRI 2/ 2022

(Bulan Februari 2022)

Bil.	Tajuk	Tarikh	Muka Surat
1.	WIRA UMAT TAK DIDENDANG	4 Februari 2022M/ 2 Rejab 1443H	3
2.	KERJAYA ADALAH GUDANG PAHALA	11 Februari 2022M/ 9 Rejab 1443H	8
3.	PERKUKUH INSTITUSI TAHFIZ	18 Februari 2022M/ 16 Rejab 1443H	13
4.	CURANG DI LEMBAH REZEKI	25 Februari 2022M/ 23 Rejab 1443H	18
KHUTBAH KEDUA			23

Percetakan dibiayai:



زكاة قولاو فينغ

No Telefon: 04-549 8088

***Jawatankuasa Panel Semakan Teks Khutbah
Negeri Pulau Pinang***

- 1. SS Dato' Seri Dr. Haji Wan Salim bin Wan Mohd Noor
(Pengerusi)**
Mufti Kerajaan Negeri Pulau Pinang
- 2. Prof. Madya Dr. Atikullah bin Abdullah**
Pensyarah, Pusat Pengajian Ilmu Kemanusiaan,
Universiti Sains Malaysia
- 3. Ustaz Rosli bin Othman**
Ketua Sektor Pendidikan Islam,
Jabatan Pendidikan Negeri Pulau Pinang
- 4. Ustaz Ahmad bin Hashim**
Ketua Pusat Pengajian Tahfiz Al-Quran,
Kolej Islam Teknologi Antarabangsa Pulau Pinang (KITAB)
- 5. Ustazah Rohayati binti Daud**
Penyelaras Program Intervensi Kaunseling,
Universiti Sains Malaysia
- 6. Ustaz Mohd Salmi bin Shaimi**
Guru, Madrasah Irshad Al-Ashraf Al-Wataniah, SPS
- 7. Ustaz Subki bin Mohamed**
Pensyarah, IPG Kampus Tuanku Bainun
- 8. Ustaz Mohd Hanif bin Omar @ Wahab
(Setiausaha)**
Ketua Penolong Pengarah, Bahagian Dakwah
Jabatan Hal Ehwal Agama Islam Pulau Pinang (JHEAIPP)





Perkukuh Institusi Tahfiz

(18 Februari 2022M / 16 Rejab 1443H)

الْحَمْدُ لِلَّهِ الَّذِي جَعَلَ الْقُرْآنَ الْعَظِيمَ هُدًى لِّلْمُتَّقِينَ وَسِرَاجًا مُّنِيرًا، وَأَنْزَلَهُ عَلَى
نَبِيِّنَا مُحَمَّدٍ صَلَّى اللَّهُ عَلَيْهِ وَسَلَّمَ لِيَكُونَ لِلْعَالَمِينَ نَذِيرًا،
أَشْهَدُ أَنْ لَا إِلَهَ إِلَّا اللَّهُ وَأَشْهَدُ أَنَّ سَيِّدَنَا مُحَمَّدًا عَبْدُهُ وَرَسُولُهُ،
اللَّهُمَّ صَلِّ وَسَلِّمْ وَبَارِكْ عَلَى سَيِّدِنَا مُحَمَّدٍ وَعَلَى آلِهِ وَأَصْحَابِهِ وَمَنْ تَبِعَهُمْ
بِإِحْسَانٍ إِلَى يَوْمِ الدِّينِ.
أَمَّا بَعْدُ، فَيَا عِبَادَ اللَّهِ! اتَّقُوا اللَّهَ حَقَّ تَقَاتِهِ وَلَا تَمُوتُنَّ إِلَّا وَأَنْتُمْ مُسْلِمُونَ.

SIDANG JUMAAT YANG DIRAHMATI ALLAH SEKALIAN,

Saya berpesan kepada diri saya dan menyeru sidang Jumaat yang dikasihi
sekalian, marilah kita meningkatkan ketaqwaan ke hadrat Allah سُبْحَانَهُ وَتَعَالَى
dengan mentaati segala perintah-Nya dan menjauhi segala larangan-Nya. Mudah-
mudahan kita tergolong sebagai hamba Allah yang terbaik serta beroleh kejayaan
di dunia dan di akhirat.

Sebelum melanjutkan bicara, suka khatib memberi peringatan. Marilah kita
berikan sepenuh tumpuan kepada isi kandungan khutbah hari ini. Sedarlah
bahawasanya perbuatan berbual-bual, bermain telefon bimbit atau tidur dengan
sengaja adalah perbuatan sia-sia yang boleh menjejaskan kesempurnaan meraih



ganjaran pahala. Mimbar pada hari ini akan membicarakan khutbah bertajuk: “Perkukuh Institusi Tahfiz”.

HADIRIN YANG DIRAHMATI ALLAH

Kitab al-Quran adalah mukjizat terbesar yang dikurniakan oleh Allah ﷻ kepada Nabi Muhammad ﷺ dan merupakan sumber ilmu pengetahuan yang utama bagi umat Islam. Kelansungan warisan kitab ini perlu dipelihara dalam memacu dakwah Islamiah dengan melahirkan para Huffaz melalui pemerkasaan institusi tahfiz.

Pendidikan tahfiz merupakan satu bidang yang kian mendapat sambutan di kalangan masyarakat, menandakan para ibu bapa telah menunjukkan minat dan menginginkan anak mereka mendapat pendidikan, khususnya dalam aliran Agama. Institusi tahfiz dilihat sebagai sebuah institusi yang penting bagi melahirkan *huffaz* yang berakhlak dan berkeperibadian Islam yang baik di kalangan generasi muda.

Namun pengurusan pendidikan sekolah tahfiz secara tidak holistik tanpa mengambil kira dasar pendidikan kebangsaan dan peraturan-peraturan sedia ada menyebabkan institusi ini berdepan dengan pelbagai kelemahan dari sudut penyelarasan, pembangunan, kebajikan pelajar serta urusan tadbir oleh pihak yang bertanggungjawab.

MUSLIMIN YANG DIRAHMATI ALLAH SEKALIAN

Setiap individu mempunyai hak untuk mendapat pendidikan tanpa mengira status ekonomi, sosial, jantina, kaum, agama atau latar belakangnya. Perkara ini turut disebut di dalam Perkara 12 (2), Perlembagaan Persekutuan yang menyatakan:

“Tiap-tiap kumpulan agama berhak menubuhkan dan menyelenggarakan institusi-institusi bagi pendidikan kanak-kanak dalam agama kumpulan itu sendiri, dan tidak boleh ada diskriminasi semata-mata atas alasan agama dalam mana-mana undang-undang yang berhubungan dengan institusi-institusi itu...”

Selain itu, ajaran Islam turut menitikberatkan perihal kemaslahatan kanak-kanak. Hak mereka mestilah ditunaikan dan diberikan perhatian sewajarnya sepertimana sabda Nabi Muhammad ﷺ yang diriwayatkan oleh Abu Daud dan Ahmad, yang menyatakan:

لَيْسَ مِنَّا مَنْ لَمْ يَرْحَمْ صَغِيرَنَا، وَيَعْرِفْ شَرَفَ كَبِيرِنَا

Bermaksud: “Orang yang tidak bersikap belas kasihan terhadap kanak-kanak dan tidak tahu (menunaikan) hak orang-orang tua, maka dia bukan daripada kalangan kami.”

Justeru, adalah menjadi tanggungjawab bersama untuk memastikan kepentingan kanak-kanak bagi mendapatkan hak kepada pendidikan diutamakan serta menggalakkan sambutan ibu bapa untuk menghantar anak-anak mereka ke institusi tersebut. Usaha ini juga penting bagi memperkasakan sekolah tahfiz sebagai sebuah institusi alternatif pendidikan arus perdana yang selamat dan berkualiti. Kanak-kanak merupakan anugerah *ilahi* yang perlu dipelihara. Maka, peranan ibu bapa adalah sangat penting dalam memastikan jaminan keselamatan terhadap anak-anak mereka dipelihara dan dilindungi.

SIDANG JUMAAT YANG DIRAHMATI ALLAH

Dengan peningkatan minat masyarakat untuk memilih pendidikan tahfiz bagi anak-anak mereka, piawaian keselamatan pihak berkuasa perlu diperketatkan bagi memastikan pelajar-pelajar tahfiz berada dalam keadaan selamat. Di samping itu, pemantauan berkala perlu dilaksanakan di kalangan

pentadbir dan guru tahfiz bagi memastikan perjalanan pendidikan berlaku secara baik dan harmoni tanpa sebarang gangguan. Malah, ahli falsafah Ibnu Khaldun turut berpandangan bahawa seseorang guru tidak seharusnya menggunakan kekerasan terhadap kesalahan pelajarinya kerana kekerasan akan merosakkan mereka dan sangat merbahaya terutama kepada anak-anak yang masih kecil di samping menghilangkan nilai-nilai yang murni.

Selain itu, kelayakan pendidikan guru-guru tahfiz juga perlu diberi penekanan dari aspek keberkesanan mereka dalam mendidik pelajar tahfiz. Oleh itu, pihak kerajaan hendaklah memastikan semua institusi tahfiz mempunyai garis panduan dalam pengambilan bakal guru tahfiz yang mempunyai kelayakan yang sewajarnya serta memberi latihan dari institusi perguruan yang diiktiraf bagi memastikan kanak-kanak mendapatkan pendidikan yang selari dengan akidah Islam dan bebas dari segala pengaruh ajaran sesat.

Justeru, peranan sesebuah komuniti secara menyeluruh dalam mempertahankan dan menambahbaik institusi pengajian tahfiz amatlah penting bagi meningkatkan kredibiliti pendidikan tahfiz sebagai sebuah institusi pendidikan yang diterima oleh masyarakat umum.

Seterusnya, kerajaan perlu menjadikan institusi pendidikan tahfiz di negara ini sentiasa kekal dalam keadaan berdaya saing dan memberi jaminan kepada pelajar lepasan tahfiz untuk mendapatkan pengiktirafan dan kelayakan akademik yang lain supaya mereka dapat melanjutkan pelajaran ke peringkat tinggi dan mendapatkan peluang pekerjaan dengan gaji yang setimpal. Maka mimbar di sini ingin menegaskan kesemua pusat tahfiz di seluruh negeri Pulau Pinang hendaklah berdaftar dengan JHEAIPP serta diingatkan bahawa pengoperasian sekolah-sekolah tahfiz tanpa pendaftar yang sah adalah menyalahi Enakmen Kawalan Sekolah-Sekolah Islam Negeri Pulau Pinang Tahun 1989 dan akan dikenakan hukuman yang keras.

SIDANG JUMAAT YANG DIRAHMATI ALLAH



Kesimpulan daripada khutbah Jumaat pada hari ini, pendidikan di institusi tahfiz amatlah digalakkan di kalangan generasi muda kerana ia merupakan satu fardu kifayah serta sunnah daripada Rasulullah ﷺ. Meskipun pelbagai cabaran yang dihadapi dalam memperkasakan institusi tahfiz di negara ini, garis panduan berkaitan yang dikeluarkan oleh pihak berkuasa agama hendaklah dipatuhi sepenuhnya serta diperkukuhkan aspek kebajikan pelajar demi kepentingan bersama syiar Islam. Sebagaimana firman Allah سُُبْحَانَهُ وَتَعَالَى dalam Surah Al-Hajj, ayat 32:

ذَٰلِكَ وَمَنْ يُعِظْمُ شَعِيرَ اللَّهِ فَإِنَّهَا مِنْ تَقْوَى الْقُلُوبِ ﴿٣٢﴾

Maksudnya: “Demikianlah (ajaran Allah) dan sesiapa yang menghormati syiar-syiar agama Allah maka (dialah orang yang bertakwa) kerana sesungguhnya perbuatan itu satu kesan dari sifat-sifat takwa hati orang Mukmin.”

بَارَكَ اللَّهُ لِي وَلَكُمْ فِي الْوَحْيَيْنِ، وَنَفَعَنِي وَإِيَّاكُمْ بِمَا أُنْزِلَ عَلَى سَيِّدِ الثَّقَلَيْنِ، وَتَقَبَّلَ مِنِّي وَمِنْكُمْ طَاعَتَهُ لِسَعَادَةِ الدَّارَيْنِ، أَقُولُ مِنْ قَلْبِي الْحَنِينِ، وَأَسْتَغْفِرُ اللَّهَ الْعَظِيمَ لِي وَلَكُمْ أَجْمَعِينَ، وَلِسَائِرِ الْمُسْلِمِينَ وَالْمُؤْمِنِينَ، الْأَحْيَاءِ مِنْهُمْ وَالْمَيِّتِينَ، فَاسْتَغْفِرُوهُ يَا فَوْزَ الْمُسْتَغْفِرِينَ، وَأَنْتَ أَرْحَمُ الرَّاحِمِينَ.



Khutbah Kedua Bulan Februari

2022M/ 1443H

الْحَمْدُ لِلَّهِ عَلَى آلَائِهِ وَإِحْسَانِهِ، وَالشُّكْرُ لَهُ عَلَى تَوْفِيقِهِ وَامْتِنَانِهِ،
وَأَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ تَعَظِيمًا لِحُشْنِهِ،
وَأَشْهَدُ أَنَّ مُحَمَّدًا عَبْدُهُ وَرَسُولُهُ دَاعِيًا إِلَى رِضْوَانِهِ.
صَلَّى اللَّهُ وَسَلَّم عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ، عَدَدَ خَلْقِهِ وَرِضَا نَفْسِهِ،
وَزِنَةَ عَرْشِهِ وَمِدَادَ كَلِمَاتِهِ.

أَمَّا بَعْدُ، فَيَا عِبَادَ اللَّهِ، اتَّقُوا اللَّهَ تَعَالَى رَبَّكُمْ حَقَّ تَقَاتِهِ،
وَأَعْمَلُوا بِطَاعَتِهِ وَمَرْضَاتِهِ، ثُمَّ اْعْلَمُوا أَنَّ اللَّهَ سُبْحَانَهُ وَتَعَالَى أَمْرُكُمْ بِأَمْرِ بَدَأَ فِيهِ
بِنَفْسِهِ؛ فَقَالَ - عَلِيمًا حَكِيمًا:

إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا ﴿٥٦﴾
[الأحزاب: 56]

اللَّهُمَّ صَلِّ وَسَلِّمْ عَلَى عَبْدِكَ وَرَسُولِكَ مُحَمَّدٍ، الْبَشِيرِ النَّذِيرِ، وَالسَّرَاجِ الْمُنِيرِ،
وَارْضَ اللَّهُمَّ عَنْ آلِهِ وَصَحَابَتِهِ أَجْمَعِينَ، وَعَنِ التَّابِعِينَ، وَمَنْ تَبِعَهُمْ بِإِحْسَانٍ إِلَى
يَوْمِ الدِّينِ، وَعَنَّا مَعَهُمْ بِعَفْوِكَ وَكَرَمِكَ وَإِحْسَانِكَ يَا أَرْحَمَ الرَّاحِمِينَ.

اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ
وَالْأَمْوَاتِ،

اللَّهُمَّ آمِنَّا فِي أَوْطَانِنَا، وَأَصْلِحْ وَاحْفَظْ أَيْمَتَنَا وَعُلَمَاءَنَا وَوُزَرَائِنَا وَوُلَاةَ أُمُورِنَا.
اللَّهُمَّ وَفِّقْهُمْ لِمَا فِيهِ عِزُّ دِينِكَ وَنَصْرُ شَرِيعَتِكَ، اللَّهُمَّ اجْعَلْهُمْ هُدَاةً مُهْتَدِينَ
صَالِحِينَ مُصْلِحِينَ وَاشْمَلِ اللَّهُمَّ بِعَنَائِكَ وَتَوْفِيقِكَ عَلَى صَاحِبِ الْجَلَالَةِ،



Kebawah Duli Yang Maha Mulia Seri Paduka Baginda Yang di-Pertuan Agong, Al-Sultan Abdullah Ri'ayatuddin Al-Mustafa Billah Shah Ibni Almarhum Sultan Haji Ahmad Shah Al-Musta'in Billah dan Kebawah Duli Yang Maha Mulia Seri Paduka Baginda Raja Permaisuri Agong, Tunku Hajah Azizah Aminah Maimunah Iskandariah Binti Almarhum Al-Mutawakkil Alallah Sultan Iskandar Al-Haj;

وَكَذَلِكَ صَاحِبِ الْفَخَامَةِ،

Tuan Yang Terutama, Tun Dato' Seri Utama Ahmad Fuzi Bin Haji Abdul Razak, Yang di-Pertua Negeri Pulau Pinang.

اللَّهُمَّ ادْفَعْ عَنَّا الْبَلَاءَ وَالْوَبَاءَ وَالْغَلَاءَ وَالرِّيَاءَ، وَالرِّبَا وَالزُّنَا وَالزَّلَازِلَ وَالْمِحْنَ وَسُوءَ الْفِتَنِ مَا ظَهَرَ مِنْهَا وَمَا بَطُنَ، عَنِ بَلَدِنَا هَذَا خَاصَّةً، وَعَنْ سَائِرِ بِلَادِ الْمُسْلِمِينَ عَامَّةً يَا رَبَّ الْعَالَمِينَ.

اللَّهُمَّ إِنَّا نَعُوذُ بِكَ مِنَ الْبَرَصِ وَالْجُنُونِ وَالْجُدَامِ وَمِنْ سَيِّئِ الْأَسْقَامِ، يَا أَرْحَمَ الرَّاحِمِينَ.

Ya Allah! Dengan sifat-Mu yang Maha Pemurah dan Maha Mendengar, jadikanlah kami dan keturunan kami orang-orang yang istiqamah mendirikan solat secara berjemaah serta mengeluarkan zakat dan melaksanakan waqaf.

Ya Allah! Berilah petunjuk-Mu kepada kami, pemuda-pemuda kami, pemimpin-pemimpin kami untuk memberikan khidmat bakti yang terbaik kepada agama, bangsa dan negara.

Ya Allah! Kau hindarilah kami daripada perbuatan-perbuatan khianat dan durjana yang merosakkan kepentingan agama, masyarakat dan negara.

عِبَادَ اللَّهِ: إِنَّ اللَّهَ يَأْمُرُ بِالْعَدْلِ وَالْإِحْسَنِ وَإِيتَائِي ذِي الْقُرْبَى وَيَنْهَى عَنِ الْفَحْشَاءِ
وَالْمُنْكَرِ وَالْبَغْيِ يَعِظُكُمْ لَعَلَّكُمْ تَذَكَّرُونَ ﴿١٥﴾

فَاذْكُرُوا اللَّهَ الْجَلِيلَ يَذْكُرْكُمْ، وَاشْكُرُوا عَلَى نِعَمِهِ يَزِدْكُمْ،
وَلَذِكْرُ اللَّهِ أَكْبَرُ وَاللَّهُ يَعْلَمُ مَا تَصْنَعُونَ ﴿١٦﴾